

陶隱居云此香皆合香家要用不止入藥
惟療惡核毒腫唇糖出晉安岑州上真淳
者難得多以其皮及蠹蟲屎雜之惟軟者
為佳餘香無真偽而有精麤爾

白蘆 味甘平作飲止渴除痰不睡利水明

目出南海諸山葉似茗而大南人取作當茗
極重之廣州記曰新平縣出阜蘆名之別名
也葉大而澁又南越志曰龍川縣出阜蘆葉
似茗味苦澁土人為飲南海謂之過羅或曰
物羅皆夷語也

海藥云謹按廣州記云出新平縣狀若茶
樹闊大無毒主煩渴熱悶下痰通小腸淋
止頭痛彼人用代茶故人重之如蜀地茶
也

不凋木 味苦溫無毒主調中補衰治腰脚去

風氣却老變白生太白山巖谷樹高三尺葉
似椿莖赤者毛如棠梨

牛苾藤 味甘溫無毒主荒年食之令人不飢
取藤中粉食之如葛根令人髮落牛好食之
生深山大如樹震燒木主火驚失心煮服之
也

又取掛門戶間大厭火災此霹靂木也

木松 味甘平無毒止渴除煩潤五藏利大小
便去膈上熱功用如蜜樹生南方枝葉俱可
噉亦煎食如飴今人呼白石木蜜子名枳粗
味甘本經云木蜜非此中汁如蜜也崔豹古
今注云木蜜生南方合體甜軟可噉味如蜜
老枝煎取倍甜止渴

圖經衍義本草卷之二十一

圖經衍義本草卷之二十二

君三

宋通直郎辨驗藥材寇宗奭編集
宋大醫助教辨驗藥材許洪校正

木部 中品

桑根白皮



桑根白皮 味甘寒無毒主傷中五勞六極羸
瘦崩中脉絕補虛益氣去肺中水氣唾血熱
渴水腫腹滿臃脹利水道去寸白可以縫金
瘡抹無時出土上者殺人續斷麻子桂心為
之使

○葉主除寒熱出汗汁解蜈蚣毒○桑
耳味甘有毒黑者主女子漏下赤白汁血病
癥瘕積聚陰痛陰陽寒熱無子瘵月水不調
其黃熟陳白者止久洩益氣不飢其金色者
治癖飲積聚腹痛金瘡一名桑菌一名木麥

○本麥作五木耳名橘音切益氣不飢輕身強

志生捷為山谷六月多雨時採即暴乾

圖經曰桑根白皮本經不著所出州土今處處有之採無時不可用出土上者用東行根益佳或云木白皮亦可用初採得以銅刀剥去上下皮取其裏白切焙乾其皮

中青涎勿使刮去藥力都在其上惡鐵及鉛不可近之桑葉以夏秋再生者為上霜後採之煮湯淋洗手足去風痺殊勝桑耳一名桑黃有黃熟陳白者又有金色者皆可用碎切酒煎主帶下其實堪有白黑二

種暴乾皆主變白髮皮上白鮮花亦名桑花狀似地錢刀削取炒乾以止血吐血等其柴燒灰淋汁醫家亦多用之桑上有蟲主暴心痛金瘡肉生不足皮中白汁主小兒口瘡傳之便愈又以塗金刀所傷燥痛須臾血止更剥白皮裹之令汁得入瘡中良冬月用根皮皆驗白皮作線以縫金瘡腸出者更以熱雞血塗上唐安金藏剖腹用此法便愈仙經云一切仙藥不得桑煎不服出抱朴子本方

陶隱居云東行桑根乃易得而江邊多出土不可輕信桑耳斷穀方云木槁又呼為桑上寄生此云五木耳而不顯四者是何木按老桑樹生燥耳有黃者赤白者又多兩時亦生軟濕者人採以作菹皆無復藥

用

陳藏器云桑葉汁主霍亂腹痛吐下冬月用乾者濃煮服之研取白汁合金瘡又主小兒吻瘡細刺大釜中煎取如赤糖去老風及宿血葉極者名雞桑最堪入用堪利五藏開節通血氣久服不飢多收暴乾搗末蜜和為丸每日服六十九丸變白不老禹錫云按藥性論云桑白皮使平能治肺氣喘滿水氣浮腫主傷絕利水道消水氣虛勞客熱頭痛內補不足○桑耳使一名桑巨又名桑黃味甘辛無毒能治女子崩中帶下月閉血凝產後血凝男子疝瘕兼療伏血下赤血孟詵云桑根白皮煮汁飲利五藏又入散用下一切風氣水氣又桑葉炙煎飲止瀉

如茶法

日華子云桑白皮溫調中下氣益五藏消痰止渴利大小便開胃下食殺腹藏蟲止霍亂吐瀉此即山桑根皮○又云桑耳溫微毒止腸風瀉血婦人心腹痛

雷公曰凡使六年已上向東畔嫩根採得後銅刀剥上面黃薄皮一重只取第二重白嫩青涎者於槐砧上用銅刀剗了焙令乾勿使皮上涎落涎是藥力此藥惡鐵并鉛也

聖惠方治大風頭面髭髮脫落以桑柴灰熱湯淋取汁洗頭面以大豆水研取漿解澤灰味彌佳次用熟水入菘豆麩濯之取淨不過十度良三日一沐頭一日一洗面外臺秘要方治偏風及一切風桑樹枝剗一大升用今年新嫩枝以水一大斗煎取二大升夏用井中沉恐酢壞每日服一盞空心服盡又煎服終身不患偏風若預防風能服一大升佳○又方五痔以桑耳作羹空心下飢飽食之日三食之待孔卒痛

如烏啄取大小豆各一升合搗作兩囊蒸之及熱更互坐之即瘡

千金方治口瘡白浸侵取桑樹汁先以髮拭口次以汁傳之

肘後方治人少小鼻蚬小勞輒出桑耳無

多少熬令焦擣末每蚬發以杏仁塞鼻數度可

葛氏方卒小便多消渴入地三尺取桑根

剝取白皮炙令黃黑剉以水煮之令濃隨意飲之亦可內少米勿入鹽○又方產後

下血不止炙桑白皮煮水飲之

梅師方治水腫坐卧不得頭面身體悉腫

取東引花桑枝燒灰淋汁煮赤小豆空心

食令飽飢即食盡不得喫飯○又方治金

瘡止痛取桑柴灰研傅瘡上佳

經驗方治欬嗽甚者或有吐血殷鮮桑根

白皮一斤米泔浸三宿淨刮上黃皮剉細

入糯米四兩焙乾一處擣為末每服米飲

調下一二錢

經驗後方治肺毒瘡如大風疾綠雲散桑

葉好者淨洗熟蒸一宿後日乾為末水調

二錢

廣濟方治瀉血不止桑耳一大兩熬令黑

水一大升三合煎取六大合去滓空心分

溫三服

錢相公方治蜈蚣及蜘蛛毒取桑白皮汁

傳之效

子母秘錄方治落胎下血不止以桑木中

蝸虫燒末酒服方寸七日二服

仙方桑椹熟時收之日乾為末蜜丸桐子

大空心酒服四十九丸長服之良

衍義曰桑根白皮條中言桑之用稍備然

獨遺烏椹桑之精英盡在於此採摘微研

以布濾去滓石器中熬成稀膏量多少入

蜜再熬成稠膏貯甕器中每抄一二錢食

後夜卧以沸湯點服治服金石發熱湯生

精神及小腸熱性微涼

竹葉



【箬】箬竹葉謹音味苦平大寒無毒主欬逆

上氣溢筋急惡瘡殺小蟲除煩熱風痲喉痺

嘔吐○根作湯益氣止渴補虛下氣消毒汁

主風痲實通神明輕身益氣生益州○淡竹

葉味辛平大寒主胃中痰熱欬逆上氣○瀝

大寒療暴中風風痺胃中大熱止煩悶○皮

茹微寒主嘔噦溫氣寒熱吐血崩中溢筋○

苦竹葉及瀝療口瘡目痛明目利九竅○竹

筍蜀本作味甘無毒主消渴利水道益氣可

久服

圓經曰箬竹淡竹苦竹本經並不載所出

州土今處處有之竹之類甚多而入藥者

惟此三種人多不能盡別謹按竹譜箬竹

音斤其竹堅而促節體圓而質勁成白如

霜大者宜刺船細者多用桂竹作首者有

一種亦不名箬竹苦竹亦有二種一種出

江西及閩中本桂麻大笋味甚苦不可敗

一種出江浙近地亦時有肉厚而葉長闊
笋微有苦味俗呼甜苦笋食品所最貴者
亦不聞入藥用淡竹肉薄節間有粉南人
以燒竹瀝者醫家只用此一品與竹譜所
說大同小異竹實今不復用

陶隱居云竹類甚多此前一條云是篔簹竹
次用淡竹苦竹爾又一種薄殼者名甘竹
葉最勝又有實中竹篔簹竹並以笋為佳於
藥無用凡取竹瀝惟用淡竹苦竹篔簹竹爾
竹實出藍田江東乃有花而無實而頃來

班班有實狀如小麥堪可為飯

禹錫云按藥性論云淡竹葉味甘無毒主
吐血熱毒風歷丹石毒主消渴竹燒瀝治
卒中風失音不語苦者治眼赤○又云青
竹茹使味甘能止肺痿唾血鼻衄治五痔
日華子云淡竹并根味甘冷無毒消痰治
熱狂煩悶中風失音不語壯熱頭痛頭旋
并懷妊人頭旋倒地止驚悸温疫迷悶小
兒驚癇天芫莖葉同用○又云苦竹味苦
冷無毒治不睡止消渴解酒毒除煩熱發

汗治中風失音作瀝功用與淡竹同
孟詵云笋寒主逆氣除煩熱又動氣發冷
癥不可多食越有蘆及箭笋新者稍可食
陳者不可食其淡竹及中母笋雖美然發
背悶脚氣

外臺秘要方療凡脫折折骨諸瘡腫者慎
不可當風及多白扇若中風則發瘧口禁
殺人若已中風覺頭強身中急束者急服
此方竹瀝飲二三升若已口禁者以物強
開內之忌冷飲食及酒竹瀝卒煩難得可
合十許束併燒中灰承取投之可活

千金方治時氣五六日心神煩躁不解用
竹瀝半盞新水半盞相和令勻非時服
孫真人食忌方卒得惡瘡不識者燒苦竹
葉和雞子黃傳

食醫心鏡云理心原悶益氣力止渴苦笋
熱煮任性食之又苦竹笋主消渴利水道
下氣理風熱短氣取蒸煮食之又篔簹笋主
消渴風熱益氣力發氣眼蒸煮炒任食
簡要濟眾方頭瘡大笋殼葉燒為灰量瘡


大小用灰調生油傳入少臍粉佳
產書云治妊娠俱有失墜忽推察著疼痛
新青竹茹二合好酒一升煮茹三五沸分
三度服
衍義曰竹葉凡諸竹與笋性皆微寒故知

葉其用一致本經不言笋及苦竹性苦取
瀝作油亦不必強擇也張仲景竹葉湯用
淡竹笋難化不益脾鄰家一小兒方二歲
偶失照管壯熱喘癆不食多睡仰頭呻吟
微嘔逆瞑目多驚凡三五日醫作慢驚治

之治不對病不愈忽然其母誤將有巴豆
食藥作驚藥化五丸如麻子大嚙之良久
大吐有物噎於中乳媪以指摘出之約長
三寸纒如小指乃三日前臨階曝者乾箭
笋是夜諸證皆定次日但以和氣藥調治

遂安其難化也如此經曰問而知之者謂
之工小兒不能問故為難治醫者當審謹
也

吳茱萸



君三

九



吳茱萸 味辛溫大熱有小毒主溫中下氣止痛欬逆寒熱除濕血痺逐風邪開腠理去痰

冷腹內絞痛諸冷實不消中惡心腹痛逆氣利五藏○根殺三蟲根白皮殺蟻蟲治喉痺欬逆止洩注食不消女子經差餘血瘀白癰

一名藪生上谷川谷及寬甸九月九日採陰乾葉實為之使惡丹麥消石白堊長石英

圖經曰吳茱萸生上谷川谷及寬甸今處處有之江浙蜀漢尤多木高丈餘皮青綠色葉似椿而闊厚紫色三月開花紅紫色

七月八月結實似椒子嫩時微黃至成熟則深紫九月九日採陰乾○風土記曰俗

尚九月九日謂為上九茱萸到此日氣烈熟色赤可折其房以挿頭云辟惡氣禦冬

○又續齋諧記曰汝南桓景隨費長房學

長房謂曰九月九日汝家有灾厄宜令急

去家人各作絳囊盛茱萸以繫臂上登高

飲菊花酒此禍可消景如言舉家登高山

夕還見雞犬一時暴死長房聞之曰此代

之矣故世人每至此日登高飲酒戴茱萸

囊由此耳世傳茱萸氣好上言其衝膈不

為服食之藥也○張仲景治嘔而胃滿者

茱萸湯主之吳茱萸一升棗二十枚生薑

一大兩人參一兩以水五升煎取三升每

服七合日三乾嘔吐涎沫而頭痛者亦主

之

禹錫云按藥性論云吳茱萸味苦辛大熱

有毒能主心腹疾積冷心下細氣疰心痛

治霍亂轉筋胃中冷氣吐瀉腹痛不可勝

忍者可愈瘵遍身痺痺冷食不消利大腸

擁氣削皮能療漆瘡主中惡腹中刺痛下痢不禁治寸白蟲

孟詵云茱萸主心痛一氣除巨逆藏冷又

皮止齒痛又患風癢痒痛者取茱萸一升

清酒五升和煮取一升半去滓以汁煖洗

中賊風口偏不能語者取茱萸一升清酒

一升和煮四五沸冷酢之半升日三服得

少汗瘥謹按殺鬼疰氣又開目者不堪食

又魚骨在人腹中刺痛煮一盞汁服之止

又骨在肉中不出者罽封之骨當爛出脚

氣衝心可和生薑汁飲之甚良

雷公云凡使先去葉核并雜物了用大盆

一口使鹽水洗一百轉自然無涎日乾任

入丸散中用修事十兩用鹽二兩研作末

投東流水四斗中分作一百度洗別有大

效若用醋煮即先沸醋三十餘沸後入茱

萸待醋盡燃乾每用十兩使醋一盞為度

聖惠方治陰毒傷寒四肢逆冷宜熨以茱

萸一升酒和勻濕絹袋一隻盛蒸令極熱

熨脚心候氣通暢勻暖即停熨累用驗

外臺秘要方集驗熨瘕法茱萸三升碎之
以酒和煮熟布裏熨瘕上冷更炒更番用
之瘕移走逐熨之候消乃止也○又方治
癰疽發背及發乳房茱萸一升搗之以苦
酒和帖病上

十金方治寸白蟲茱萸根洗去土四兩切
以水酒各一升漬一宿平旦分再服凡茱
萸皆用細根東北陰者良若稍大如指已
上者皆不任用

千金翼方產後虛羸盜汗時晝晝惡寒茱
萸一雞子大以酒三升漬半日煮服

肘後方治中風不能語豉茱萸各一升水
五升煮取二升稍稍服之

經驗方治脾元氣發歇痛不可忍者茱萸
一兩桃人一兩和炒令茱萸焦黑後去茱

萸取桃人去皮夾研細葱白三莖煨熟以
酒浸温分三服

經驗後方補水氣藥赤茱萸二兩米醋煮
爛細研為膏丸如梧桐子大椒湯下七丸
空心

兵部手集方治醋心每醋氣上攻如醉醋
茱萸一合水三盞煎七分頓服縱濃亦強
服

楊氏產乳方療中惡心痛吳茱萸五合以
酒三升煮三沸分三服

衍義曰吳茱萸須深湯中浸去苦烈汁凡
六七過始可用今文與注及注中藥法皆
不言亦漏落也此物下氣最速腸虛人服
之愈甚

檳榔



檳榔味辛温無毒主消穀逐水除痰癖殺三
蟲伏尸療寸白生南海

圖經曰檳榔生南海嶺外州郡皆有之
大如枕椰而高五七丈正直無枝皮似青
銅節如桂竹葉生木巔大如楨頭又似甘

蕉葉其實作房從葉中出傍有刺若棘針
重疊其下一房數百實如雞子狀皆有皮
殼肉滿殼中正白味苦澀得扶留藤與瓦
屋子灰同咀嚼之則柔滑而甘美嶺南人
取之以當果實其俗云南方地温不食此

無以祛瘴癘此有三四種有小而味甘者
名山檳榔有大而味澀核亦大者名猪檳
榔最小者名納子其功用不說有別又云
夫長而紫文者名檳丸而矮者名榔檳力

小榔力大今醫家不復細分但取作難心
狀存坐正穩心不虛破之作錦文者為佳
其大腹與檳榔相似但莖葉根幹小異其
皮收之謂之大腹榔或云檳榔難得真者
今貨者多大腹也

陶隱居云此有三四種出交州形小而味

廿廣州向者形大而味澀核亦有長者名
猪橫榔作藥皆用之又小者南人名納子
俗人呼為橫榔孫亦可食

唐本註云橫榔生者極大停數日便爛今
入北來者皆先灰汁煮熟仍火薰使乾始

堪停其中人主腹脹生痔末服利水穀道
傳瘡生肌肉止痛燒為灰主口吻白瘡生

交州愛州及崑崙

禹錫云按藥性論云白橫榔君味甘大寒
能主宣利五藏六腑擁滯破堅滿氣下水

腫治心痛風血積聚

海藥云陶弘景云向陽曰橫榔向陰曰大
腹味澀溫無毒主貫狹諸氣不消脚氣論
云以沙牛屎一盞磨一枚空心煖服治脚
氣壅毒水腫浮氣

雷公云凡使取好存生穩心堅文如流水
碎破內文如錦文者妙半白半黑并心虛
者不入藥用凡使須別橫與榔須圓身形
矮毗者是榔身形大紫文麤者是橫橫力
小榔力大欲使先以刀刮去底細切勿經

火恐無力效若熟使不如不用

聖惠方治胎動腰痛捨心或有血下用一
兩為末非時水煮葱白濃汁調下一錢七

外臺秘要方若脚氣非冷非熱老人弱人
服滿者橫榔人為末以橫榔殼汁或茶飲

或鼓汁中調服方寸七甚利
經驗方治金瘡白橫榔黃連少許為末傳
之即瘥

梅師方治酸心橫榔四兩橘皮二兩細搗
為散空心生蜜湯下方寸七

孫真人食忌方治嘔吐以白橫榔一顆煨
橘皮十分爇為末水一盞煎半盞服

簡要濟眾方治諸蟲在臟腑久不差橫半
兩炮搗為末每服一錢至二錢葱蜜煎湯
調下空心服○又方脚氣衝心白橫榔一

箇雞心大者為末童子小便生薑汁溫酒
共半盞調作一服

廣利方治脚氣衝心腹悶亂不識人白橫
榔子二分為末分三貼空心暖小便五大
合調服日再服

御藥院方治痰涎橫榔為末白湯煎一錢
衍義曰橫榔二書所說甚詳今人又取夫
長者入藥言其快銳速效屢嘗試之果如
其說

梔子



御藥院方治痰涎橫榔為末白湯煎一錢
衍義曰橫榔二書所說甚詳今人又取夫
長者入藥言其快銳速效屢嘗試之果如
其說

味苦寒大寒無毒主五內邪氣胃中熱
氣面赤酒炮鼻白願赤癩瘡瘍瘰癧目熱赤痛
胃心大小腸大熱心中煩悶胃中熱氣一名
木丹一名越桃生南陽川谷九月採實暴乾
圖經曰梔子生南陽川谷今南方及西蜀
州郡皆有之木高七八尺葉似李而厚硬
又似檸檬子三三月生白花皆六出甚
芬香俗說即西域詹圃也夏秋結實如訶
子狀生青熟黃中人深紅九月採實暴乾
南方人競種以售利貨殖傳云危萬千石

亦比千乘之家言獲利之博也此亦有兩三種入藥者山梔子方書所謂越桃也皮薄而圓小刻房七稜至九稜者佳其大而長者乃作紫色又謂之伏尸梔子不堪入藥用○張仲景傷寒論及古今諸名醫治

發黃皆用梔子名一茵陳香豉甘草等四物作湯飲又治大病起勞復皆用梔子鼠矢等湯並小利而愈其方極多不可悉載

陶隱居云解玉支毒處處有亦兩三種小異以七稜者為良經霜乃取之今皆入漆

用禹錫云按藥性論云山梔子殺蠱由毒去熱毒風利五淋主中惡通小便解五種黃病明目治時疾除熱及消渴口乾目赤腫

雷公云凡使勿用顆大者號曰伏尸梔子無刀須要如雀腦并鬚長有九路赤色者上凡使先去皮鬚了取仁以甘草水浸一宿濃出焙乾搗篩如赤金末用

食療云治下鮮血梔子仁燒灰水和一錢

七服之量其大小多少服之

千金方治火瘡未起梔子仁灰麻油和封之厚乃佳已成瘡燒白糖灰粉之燥即瘡肘後方治霍亂心腹脹痛煩滿短氣未得吐下若轉筋燒梔子二七枚研末熟水調服名三

梅師方治熱毒下血或因食物發動以三十枚擘水三升煎取一升去滓服○又方治熱病新瘥早起及多食復發以十枚水三升煎取一升去滓溫服則令微汗若食

不消加大黃三兩又方治傷寒瘥後交接發動因欲死眼不開不能語梔子三十枚水三升煎取一升服


勝金方治婦人臨產痢不限多少燒灰細末空心熱水調一起頭甚者不過五服

孫尚方治傷寒下痢後更煩按之心下硬者虛煩也梔子十四枚擘破鼓四合二味以水四升煎梔子取二升半內鼓更煎取一升去滓分再服得吐餘勿服區有癰膿者不可服區膿盡乃愈

衍義曰梔子仲景治發汗吐下後虛煩不得眠若劇者必反覆顛心中懊憹梔子豉湯治之虛故不用大黃有寒毒故也梔子雖寒無毒治胃中熱氣既亡血亡津液府藏無潤養內生虛熱非此物不可去張仲

景傷寒論已著又治心經留熱小便赤澀去皮山梔子火炮大黃連翹甘草炙等分末之水煎三二錢七服之無不效

紫鉞騏驎竭



紫鉞騏驎竭味甘鹹平有小毒主五藏邪氣帶下止痛破積血金瘡生肉與騏驎竭二物大同小異名三

禹錫云按日華子云紫鉞無毒治驢馬蹄漏可鎔補○又云騏驎竭無毒得密陀僧良治一切惡瘡疥癬久不合者傳此藥

性急亦不可多使却引膿

圖經曰騏驎竭舊不載所生州土今出南

蕃諸國及廣州木高數丈婆婆可愛葉似櫻桃而有三角其脂淚從木中流出滴下如膠飴狀久而堅凝乃成竭赤作血色故

謂之血竭採無時其味鹹而氣腥者是海

母血不可用真竭微鹹而甘作梔子氣味

舊說與紫鍾大都相似而別是一物功力亦殊今按段成式酉陽雜俎云紫鍾出真臘國國人呼為勒佉亦出波斯國木高丈

許枝幹繁鬱葉似橘柚冬不凋落三月花開不結子每有霧露微雨霑濡其枝條則為紫鍾

雷公云騏驎竭凡使勿用海母血真似騏驎竭只是味鹹并腥氣其騏驎竭味微鹹

廿似梔子氣是也欲使先研作粉重篩過

臨使安於丸散或膏中任使用勿與衆藥同擣化作飛塵也

聖惠方產後血暈不知人及狂語騏驎竭一兩細研為末非時温酒調二錢七

廣利方治金瘡血不止兼痛驎竭末傳之

立止

衍義曰紫鍾如糖霜結於細枝上累累然

紫黑色研破則紅今人用造綿烟脂邇來亦難得

龍腦香



龍腦香及青香味辛苦微寒一云温平無毒

主心腹邪氣風濕積聚耳聾明目去目赤膚

醫出婆律國形似白松脂作杉木氣明淨者

善久經風日或如雀屎者不佳云合糯一作梗

未炭相思子貯之則不耗膏主耳聾

圖經曰龍腦香出婆律國今惟南海蕃舶

賈客貨之相傳云其木高七八丈大可六

七尺圍如積年杉木狀旁生枝葉正圓而

背白結實如豆蔻皮有甲錯香即木中脂

似白松脂作杉木氣膏乃根下清液耳亦

謂之婆律膏段成式酉陽雜俎說此木有

肥瘦瘦者出龍腦香其香在木心波斯斷

其木剪取之肥者出婆律膏於木端流出

斫木作坎而承之兩說大同而小異今海

南龍腦多用火煨成片其中亦容雜為入

藥惟貴生者狀若梅花瓣甚佳也

唐本註云樹形似杉木言婆律膏是樹根

下清脂龍腦是根中乾脂子似豆蔻皮有

甲醋香似龍腦味辛尤下惡氣消食散脹

滿香人口舊云出婆律國藥以國為名即

杉脂也江南有杉木未經試或方土無脂

猶甘蔗無實唐本先附

經驗方治急中風目瞑牙禁無門下藥者

以中指點散子指齒三二十指大牙左右

其口自開如得下藥龍腦天南星等分為

末鉢內研自五月五日午時合出者只用

一字至半錢名開關散

經驗後方治時疾發豌豆瘡及赤瘡子末

透心煩狂躁氣喘妄語或見鬼神龍腦一

錢細研旋滴猪心血和丸如雞頭肉大每服一丸紫草湯下心神便定得腫瘡復發透依常將息取安

行義曰龍腦條中與圖經所說名未盡此物大通利關膈熱塞其清香為百藥之先大人小兒風涎閉壅及暴得中熱甚濟用然非常服之藥獨行則勢弱佐使則有功於茶爾相宜多則掩茶氣味萬物中香無出其右者西方抹羅短吒國在南印度境有羯布羅香榦如松栝葉異濕時無香採乾之後折之中有香狀類雲母色如冰雪比龍腦香也蓋西方亦有

食茱萸



食茱萸味辛苦大熱無毒功用與吳茱萸同少為劣爾療水氣用之乃佳

圖經曰食茱萸舊不載所出州土云功用與吳茱萸同或云即茱萸中顆粒大經久色黃黑堪敗者是今南北皆有之其木亦甚高大有長及百尺者枝莖青黃上有小白點葉正類油麻花黃蜀人呼其子為艾子蓋禮記所謂藪者元艾聲訛故云耳宜人食羹中能發辛香然不可多食多食衝眼兼又脫髮採無時

唐本註云皮薄開口者是雖名為食茱萸而不堪多取之也

陳藏器云食茱萸殺鬼魅及惡蟲毒起陽殺牙齒蟲痛唐本先附○又云云經已有吳茱萸云是口拆者且茱萸南北總有以吳地為好所以有吳之名兩處俱堪入食若充藥用要取吳者

禹錫云按藥性論云畏紫石英治冷痺腰脚軟弱通身刺痛腸風痔疾殺腸中三蟲去虛冷

孫真人食忌云六月七月勿食傷人氣發瘡疾

勝金方治蛇咬毒茱萸一兩為末冷水調分為三服立瘥

蕪萸



蕪萸味辛平無毒主五內邪氣散皮膚骨節中淫淫温行毒去三蟲化食逐寸白散腸中温温喘息一名無始一名殿塘上音殿下音唐生晉山川谷三月採實陰乾

圖經云蕪萸生晉山川谷今近道亦有之大抵榆類而差小其實亦早成比榆乃大氣臭如汎爾雅釋本云無姑其實夷郭璞云無姑姑榆也生山中葉圓而厚剥取皮合漬之其味辛香所謂蕪萸也又釋草云莖萸殺穢注云一名白蕪而與本經一名殿塘相近蘇恭云殺穢殿塘字之誤也然莖萸草類蕪萸乃木也明是二物或氣類

之相近歟三月採實陰乾殺蟲方中多用之今人又多取作屑以芘五味其用陳者良人收藏之多以鹽漬則失氣味此等不堪入藥但可作食品耳

藥性論云蕪萸使味苦辛能主積冷氣心

腹癥痛除肌膚節中風淫淫如蟲行

陶隱居云今惟出高麗狀如榆莢氣息如

鴛人皆作醬食性殺蟲置物中辟症但患

其具

陳藏器云作醬食之主五雜病除瘡癬其

氣腫者良此山榆人也

孟詵云主五藏皮膚節邪氣又熱瘡癢

和猪脂塗瘡又和白蜜治濕癬和沙牛酪

療一切瘡陳者良可少食之傷多發熱心

痛為辛故也秋天食之尤宜人長食治五

痔諸病不生

日華子云治腸風痔瘻惡瘡疥癬

海藥云謹按黃州記云生大秦國是波斯

蕪萸也味辛溫無毒治冷痢心氣殺蟲止

痛又婦人子宮風虛孩子疳瀉得訶子豆

菴良

食療云散願中氣痛又和馬酪可治癬作

醬甚香美功尤勝於榆人陳者良又殺中

惡盡毒

外臺秘要方治膀胱氣急宜下氣蕪萸又

和食鹽末二物等分以綿裹如棗大內下

部或下水惡汁并下氣佳

千金方主脾胃有蟲食即痛面黃無色疼

痛無時必效以石州蕪萸仁二兩和麩炒

令黃色為末非時米飲調一錢七瘥

衍義曰蕪萸有大小二種小蕪萸即榆莢


也榛取仁醞為醬味尤辛入藥常用大蕪

萸別有種然小蕪萸醞造多假以外物相

和不可不擇去也治大腸寒滑及多冷氣

不可缺

枳殼合依圖經
本草枳實



枳殼味苦酸微寒無毒主風痺麻痺通利關

節勞氣欬嗽背膊悶倦散癰結胃膈痰滯逐

水消脹滿大腸風安胃止風痛生商州川谷

九月十月採陰乾用當去根及枝乃佳此與枳
殼同類惟別故特出此條

附今

圖經曰文具枳實條下

陳藏器云其根皮主野雞病末服方寸七

本經採實用九月十月不如七月八月既

厚且辛書曰江南為橘江北為枳今江南

俱有枳橘江北有枳無橘此自別種非干

礙易也

禹錫云按藥性論云枳殼使味苦辛治遍

身風癢風中如麻豆惡痒主腸風痔疾心

腹結氣兩脅脹虛關膈擁塞根浸酒煎含

治齒痛消痰有氣加而用之

日華子云健脾開胃開五藏下氣止嘔逆

消痰治反胃霍亂瀉痢消食破癥結疝癰

五膈氣除風明目及肺氣水腫利大小腸

皮膚痒痔腫可炙熨入藥浸軟剉炒令熟

雷公云凡使勿用枳實緣性效不同若使枳殼取辛苦腥并有隙油能消一切癰要陳久年深者為上用時先去瓢以麩炒過待麩焦黑遂出用布拭上焦黑然後單搗如粉用

千金方主口僻眼急風枳殼刮取上青為末欲至瓢上者得茹五升微火灼去濕氣以酒三升漬微火煖令得藥末遂性飲之肘後方治中風身直不得屈伸者刮枳樹皮一升酒二升漬一宿服五合至一升酒盡再作

食醫心鏡方治水氣皮膚痒及明目枳殼一兩杵末如茶法煎之


經驗方治風疹痒不止枳殼三兩麩炒微黃去瓢為末每服二錢非時水一中盞煎至六分去滓服

梅師方治一切瘡以水煮枳殼為煎塗之博濟方治遠年日近腸風下血不止枳殼燒成黑炭存性羊脛炭為末枳殼末五錢炭末三錢和勻用濃米飲一中盞調下空

心服五更初一服如人行五里再服當日見效

必效方熨痔瘡頭出或痛不可忍枳殼於渣灰中煨熱微熨盡七枚立定發即熨之杜壬方瘦胎散昔胡陽公主難產方上進枳殼四兩甘草二兩為末每服空心大錢七如茶點服自五月後一日一服至臨月不惟易產仍無胎中惡病忌登高廁

枳實



味苦酸寒微寒無毒主大風在皮膚中

如麻豆苦痒除寒熱結止痢長肌肉利五藏益氣輕身除胃脅痰癖逐停水破結實消脹滿心下急痞痛逆氣脅風痛安胃氣止澹洩明目生河內川澤九月十月採陰乾

國經曰枳實生河內川澤枳殼生商州川

谷今西京江湖州郡皆有之以商州者為佳如橘而小高亦五七尺葉如棗多刺春生白花至秋成實九月十月採陰乾舊說七月八月採者為實九月十月採者為殼今醫家多以皮厚而小者為實實完大者殼皆以翻肚如盆口唇狀須陳久者為勝近道所出者俗呼臭橘不堪用○張仲景治心下堅大如盤水飲所作枳實湯主之枳實七枚末三兩以水一斗煎取三分三服腹中軟即消

陶隱居云今處處有採破今乾用之除中核微炙令香亦如橘皮以陳者為良枳樹莖及皮療水脹暴風骨節疼急枳實俗方多用道家不須

陳藏器云枳實根皮主痔末服方寸凡本經採實用九月十月不如七月八月物厚且辛舊云江南為橘江北為枳今江南俱有枳橘江北有枳無橘此是自種別非關變也

禹錫云按藥性論云枳實臣味苦辛解傷

寒結胃入陷胃湯用主上氣喘欬腎內傷
冷陰陽而有氣加而用之

外臺秘要方陰風疹取枳實以醋漬令温
火炙令熱適寒温用熨上即消

千金方治胃痺氣壅滿心膈不利枳實二
兩麩炒微黃為末若三非時以清粥飲調下二

錢聖惠方同○又方治積癆脫肝枳實石
磨寬令滑鑽著柄蜜塗火炙令煖更易熨

肚取縮即止
集驗方治五痔不以年月日久新枳實為

末煉蜜丸如桐子大空心飲下二十九
濟眾方治傷寒後卒胃膈閉痛枳實一味

劉麩炒黃為末服二錢米飲調下日二服
廣利方治小兒久痢淋瀝水穀不消枳實


六分搗末以飲汁調二錢七二歲服一錢
子母秘錄方治婦人陰腫堅痛用半斤碎

炒令熱故帛裏熨冷即易之
衍義曰枳殼枳實一物也小則性酷而速

大則性詳而緩故張仲景治傷寒倉卒之
病承氣湯中用枳實此其意也皆取其蹏

通決泄破結實之義他方但導敗風壅之
氣可常服者故用枳殼

厚朴



味苦温大温無毒主中風傷寒頭痛寒

熱驚悸氣血痺死肌去三蟲温中益氣消痰

下氣療霍亂及腹痛脹滿胃中冷逆胃中嘔

不止洩痢淋露除驚去留熱心煩滿厚腸胃

一名厚皮一名赤朴其樹名榛其子名逐折

療鼠瘻明目益氣生支趾寬旬三月九月採

皮陰乾乾薑為之使惡澤瀉寒水石消石

圖經曰厚朴出交趾究向今京西陝西江

淮湖南蜀山山谷中往往有之而以梓州

龍州者為上木高三四丈徑一二尺春生

葉如檉葉四季不凋紅花而青實皮極鱗

紋而厚紫色多潤者佳薄而白者不堪三

月九月十月採皮陰乾廣雅謂之重皮方

書或作厚皮

藥性論云厚朴臣忌豆食之者動氣味苦

辛大熱能主療積年冷氣腹內雷鳴虛吼

宿食不消除痰飲去結水破宿血消化水

穀止痛大温胃氣嘔逆酸水主心腹滿病

人虛而尿白

陶隱居云今出建平宜都極厚肉紫色為

好殼薄而白者不如用之削去上甲錯皮

俗方多用道家不須○今注出梓州龍州

者最佳

禹錫云按吳氏云厚朴神農岐伯雷公苦

無毒季氏小温范子厚朴出洪農

日華子云建脾主反胃霍亂轉筋冷熱氣

瀉膀胱泄五藏一切氣婦人產前產後風

藏不調關節殺腹藏蟲除驚去煩悶明耳目入藥去麤皮薑汁炙或薑汁炒用又名烈朴

雷公云凡使要用紫色味辛為好或丸散便去麤皮用酥炙過修一斤用酥四兩炙

子細判用若湯飲中使用自然薑汁八兩炙一升為度

聖惠方治霍亂製之以薑汁火上炙令香為末非時新水調下二錢七佳

梅師方治水穀痢久不瘥厚小三兩黃連

三兩剉水三升煎取一升空心服

子母秘錄方治月水不通厚朴三兩以水三升煎取一升為三服空心不過三四劑瘥

衍義曰厚朴今西京伊湯縣及商州亦有

但薄而色淡不如梓州者厚而紫色有油

味苦不以薑製則棘入喉舌平胃散中用最調中至今此藥盛行既能溫脾胃氣又能去冷氣為世所須也

茗苦茶茗



茗苦茶茗味甘苦微寒無毒主瘰瘡利小便去痰熱渴令人少睡春採之○茗茶主下氣消宿食作飲加萊菔葱薑等良

圖經曰茗苦茶舊不著所出州郡今閩浙蜀荆江湖淮南山中皆有之爾雅所謂之

苦茶郭璞云大小似梔子冬生葉可煮作

羹飲今呼早採者為茶晚取者為茗一名殊蜀人謂之苦茶是也今通謂之茶茶茶聲近故呼之春中始生嫩葉蒸焙去苦水末之乃可喫古所食殊不同也

唐本註云爾雅釋木云檟苦茶注樹小似

梔子冬生葉可煮作羹飲今呼早採者為茶晚取者為茗一名殊蜀人名之苦茶生

山南漢中山谷

陳藏器云茗苦茶寒破熱氣除瘴氣利大

小腸食之宜熱冷即聚痰茶是茗如成餅並得火良久食令人瘦去人脂使不睡唐本先附

茶譜云蒙山有五頂頂有茶園其中西口上清峯昔有僧人病冷且久過一老

曰蒙之中頂茶當以春分之先後多要力俟雷之發聲併手採摘三日而止若

一兩以本處水煎服即能祛宿疾二兩煎限前無疾三兩因以換骨四兩即為地

矣

外臺秘要方治卒頭痛如破非中冷

風其病是胃腸有痰厥氣上衝所致名曰厥頭痛吐之即差丹黃茗若作飲二三升令煖飲一二升須臾吐畢又飲能如此數過劇者須吐膽汁乃止不損人待渴即

瘥

食醫心鏡方主赤白痢及熱毒痢好茶一片炙搗末濃煎一二盞喫如久患痢亦宜

服

經驗方治陰囊上瘡用蠟面茶為末先以

甘草煎水洗後用貼妙

別說云謹按圖經云今閩浙蜀荆江湖淮南山中皆有之唯建州北苑數處產此性味獨與諸方略不同今亦獨名蠟茶研治作餅日得火愈良或用芽葉為末收貯微若見大便更不可久收

衍義曰茗苦茶今也其文有陸羽茶經丁謂北苑茶錄毛文錫茶譜蔡宗穎茶山節對其說甚詳然古人謂其芽為雀舌麥顆言其至嫩也又有新芽一發便長寸餘微麤如針惟芽長為上品其根幹水土力皆有餘故也如雀舌麥顆又下品前人未盡識誤為品題唐人有言曰釋滯消壅一日之利暫佳斯言甚當飲茶者宜原其始終又晉溫嶠上表貢茶千斤若三百斤郭璞曰早採者為茶晚採者為茗茗或曰薜亮葉老者也

秦皮



寒氣除熱目中青翳白膜療男子少精婦人

帶下小兒癩身熱可作洗目湯久服頭不白輕身皮膚光澤肥大有子一名岑皮一名石檀生廬江川谷及宛句二月八月採皮陰乾大戟為之使惡具茱萸

圖經曰秦皮生廬江川谷及宛句今陝西

州郡及河陽亦有之其木大都似檀枝幹皆青綠色葉如匙頭許大而不光並無花實根似槐根二月八月採皮陰乾其皮有白點而不麤錯俗呼為梲木取皮漬水便碧色書紙看之青色此為真也

外臺秘要方治赤眼及睛上瘡秦皮清水一升於白椀中浸春夏一食時以看碧色出即以筋頭纏綿仰點於眼仍先從大眥中滿眼著微痛不畏良五飯之間即側卧瀝却熱汁每日上著不過二日瘥

沈存中方秦皮治天蛇毒以煎而天蛇即草間黃花蜘蛛是也人破其為露水所濡乃成此疾遂者